



**Cogitationes, Sive Considerationes Christianae Pro
singulis Anni diebus**

Complectens Julium, Augustum, Septembrem

Nepveu, François

Monachii, 1709

Dies 22. Conversio S. Mariæ Magdalenæ exemplum est., divinæ gratiæ
perfectè respondendi.

[urn:nbn:de:hbz:466:1-60520](#)

DIES XXII.

Conversio S. Mariæ Magdale-
næ exemplum est, gratiæ divi-
næ perfectè respondendi.

I.

SI Deus peccatorem quærit, æquum est ut peccator ei obsecundet, tantaque cura obsecundet, quanta à Deo quæritur. Solicitudo Dei animam infidelem quæren-
tis est solicitude præveniens; proinde ei anima promptè respondere debet. Ratio-
ni perquam consonum foret, ut præveniremus Deum gratosè nos prævenientem. At hoc fieri nequit: gratia enim gratia esse cessaret, si præveniens non foret; necessa-
rium proin est, ut, cum eam prævenire non possimus, grato saltem animo prom-
pti sequamur. Dignitas illius, qui nos quærit, indignitas nostra, propriumque commodum ad id nos obligant. Aliquo-
ties vel ad momentum tergiversari, est vel omnia in discrimen coniçcere, vel penitus perdere: quanti non stetit sponsæ, quod distulerit aperire januam sponso tam in-
stanter id perenti? vix enim postea eum invenit, licet solicite quæsitus, non abs-

E 3

que

Julius.

que periculo , eum penitus non amplius reperiendi.. Virgines fatuæ , quod unico momento tardiùs venerint , januam clausam reperere. Magdalena , cuius hodie festa dies agitur , prudentior fuit , nec ad momentum distulit , ut cognovit . Hæc , ut primùm IEsum novit , pia quadam impatientia , ad ipsius pedes sese abjectura , eum quærerit , currit , volat : momenta ei anni videbantur , nec creaturæ , nec amores , nec hominum judicia ; aut respectus , nec cavillationes , verbo , nihil eam moratur , unicè attentam gratiæ se vocantis , reliquis omnibus posthabitatis.

II. Si solicitude , qua Deus animam infidelem quærit , coniunctum sibi habet ardens desiderium , necessarium est , ut ei ferventer respondeamus . Spiritus Sanctus , qui ardor est hujs in quærendo sedulitas , spiritus est ardoris , nec animæ frigidæ , aut ignavæ se accommodat . Gratia est ignis , quem mundo illatus Christus ipse met venit : si ignis iste in cor frigidum , vel glaciatum cadit , illico extinguitur . Hic fervor cernitur in Magdalenæ Conversione . Quantus ardor ! omnia Deo consecrat , amatores , voluptates , mundum ; omnia nauci pendit ; Deus ipsi omnia est . IEsu suo unicè occupata , sui ipsius oblita ,

pœ-



pro singulis anni diebus.

71

pœnitentiæ suæ servire jubet omnia , quæ Iulius
peccato servière ; oculos suos , qui tot im-
puros in cordibus ignes excitârunt , ad la-
crymas damnat , queis pedes Servatoris sui
lavit ; quos dein capillis suis tergit , ut hi ,
qui vanitatis suæ fuerant Instrumenta , pœ-
nitentiæ suæ instrumenta fierent . Qua-
lis fervor ! An eam pœnitentiâ tuâ imita-
ris ? an illam Apostoli admonitionem se-
queris ? Neque exhibeatis membra vestra arma
Rom. 6. 13.
iniquitatis peccato ; sed exhibete vos Deo , tan-
quam ex mortuis viventes , & membra vestra ,
arma iustitiae Deo . Quàm longè ab ea abes !
pœnitentia tam ignava , qualis tua est , me-
returne vel nomen pœnitentiæ ? an non
potius tibi novam pœnitentiæ agendæ
causam præbet ?

III. Denique si solicitude , quam Deus
quærendo peccatori impendit , ejus ī ge-
nicio accommodat , necessarium est , ut &
tu ipsius te voluntati , gratiæ respondendo
accommodes . At satîs non est gratiæ
respondere , sed eo modo respondere oportet ,
quem gratia nobis inspirat : satîs non
est Deo se consecrare velle , sed eo modo ei
se consecrare oportet , quo ipse cupit . Si
Magdalena sibi indulisset , si aurem ratio-
nibus humanis præbuisset , si expectare vo-
lisset , dum locum magis separatum ,

E 4 quàm

quām apertam Pharisei domum, & tempus
comodius, quām illud convivij, inveniisset,
forsitan gratia ei se subduxisset; si sua dun-
taxat turpia commercia moderari, neque
ramen se penitus ijsdem abdicare, Chri-
stum sequi, neque tamen mundo prorsus
valedicere voluisse, Servator omnibus e-
jus inclinationibus se non accommodasset:
voluit enim, ut ea totam se sibi immola-
ret, & quemadmodum ea nihil sibi
negavit, cūm suis cupiditatibus satisfacere,
& genij sui propensionem sequi vellent; sic
volet Christus, ut sine exceptione age-
ret, cūm Deum sequi, eique satisfacere o-
portebat. Fecit id, atque idcirco perfec-
ta ejus pœnitentia fuit, qua seipsum ma-
gis oderat, quām amārat, & magis Deum
suum dilexerat, quām mundum amave-
rit. Quām insigne hoc est pœnitentiae e-
xemplar! at quām pauci id imitantur!

*Forsitan Magdalena imitatus es perversita-
tem; statue proin imitari ejus pœnitentiam, &
præclaro huic exemplari probè studere.*

Remittuntur ei peccata multa, quoniam
dilexit multum. *Luc. 7.74.*

*Væ tempori illi, in quo te non amavi!
Væ tempori illi, in quo te grayiter offendii!*
Aug. l. Soliloqui.

DIES

